

瓠種竅瓠貯種量可斗許乃穿瓠兩頭以木簞貫之後

川手執為柄前用作耨瓠耨中草莖通瀉種於耕過壟

畔畔田半也恐太深故種於壟畔也隨耕隨瀉務使均勻又犁隨掩過

遂成溝壟覆土既深雖暴雨不至拋普格切撻他達切暑夏

最為能與耐同旱且便於撮鋤苗亦鬯茂燕趙及遼以東

多用之齊民要術曰兩耬重溝竅瓠下之以批莫結切契

蘇結切繫腰曳之此舊制以今較之頗拙於用故從今法

寡力之家比耕耙耬砘易為功也詩云休言瓠落只輪

困一竅中藏萬粒春喙舌不辭輸瀉力腹心元寓發生

仁農工未害兼匏器案農務集作農家自喜為匏器柄用將同秉化鈞

更看溝田遺跡在綠雲禾麥一番新